

031/1



REPUBLIKA E SHQIPËRISË

MINISTRIA E DREJTËSISË

Drejtoria e Përgjithshme e Planifikimit Strategjik dhe Inspektimit të Çështjeve të Drejtësisë
Drejtoria e Inspektimit Gjyqësor dhe Prokurorisë

Nr. 4328/1 Prot.

Tiranë, më 01 / 07 / 2015

Lënda: Kthim përgjigje kërkesës tuaj për informacion nr.031/15

Drejtuar : Zotit Dorian Matlija
Drejtor Ekzekutiv
Qendra Res Publica

TIRANË

I nderuar z. Matlija

Në kërkesën tuaj, drejtuar Ministrisë së Drejtësisë, protokolluar pranë nesh me nr.4329 datë 19.06.2015, kërkonti të informoheni se *cilat janë procedurat që ka ndjekur Ministria e Drejtësisë për rastet e përmendura, a është propozuar ndonjë masë tjetër nga Ministria e Drejtësisë, a është hetuar në lidhje me rastet e deklarimit të pasurive dhe a është marrë dokumentacioni nga ILDKPI për vërtetimin e shkeljeve disiplinore. Në lidhje me rastin ku Ministri i Drejtësisë ka tërhequr kërkesën për procedim a ka rënë shkak për të cilin ka tërhequr kërkesën dhe a është iniciuar një tjetër procedim disiplinor ndaj gjyqtarit.*

Në përfundim të shqyrtimit të kërkesës tuaj, bazuar në Ligjin “Për të drejtën e informimit”, ju bëjmë me dije se:

Neni 34 i Ligjit Nr. 9877/2008 “Për organizimin e pushtetit gjyqësor në Republikën e Shqipërisë”, i ndryshuar, përcakton se: 1. Të drejtën për nisjen e procedimit disiplinor ndaj gjyqtarit në Këshillin e Lartë të Drejtësisë e ka Ministri i Drejtësisë. 2. Fillimi i procedimit disiplinor mund të bëhet jo më vonë se 1 vit nga data e konstatimit të shkeljes nga organi që ka të drejtën për fillimin e këtij procedimi, por jo më vonë se 5 vjet nga data e kryerjes së shkeljes.

Neni 17 i Ligjit nr.9049/2003 “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë”, i ndryshuar përcakton se Inspektorati i Lartë b) mbledh të dhëna, kryen hetime dhe kërkime administrative rreth deklarimeve të personave që kanë detyrimin për deklarim, sipas këtij ligji, në përputhje me Kodin e Procedurave Administrative. “Mbledhja e të dhënave bëhet në përputhje me ligjin nr. 9887, datë 10.3.2008 “Për mbrojtjen e të dhënave personale”, të ndryshuar.

Në bazë të Ligjeve të sipërcituara ILDPKI-ja ka përcjellë pranë Ministrisë së Drejtësisë materialin administrativ në ngarkim të 2 gjyqtarëve. Ministri i Drejtësisë i ka dërguar KLD-së kërkesën dhe materialin bashkëlidhur për fillimin e procedimit disiplinor, në ngarkim të gjyqtarëve dhe marrjen e masës disiplinore ndaj tyre “shkarkim nga detyra”. Këto kërkesa janë marrë në shqyrtim në mbledhjen e Këshillit të Lartë të Drejtësisë datë 07.07.2014, ku ky këshill ka vendosur rrëzimin e kërkesës së Ministrit të Drejtësisë për të dy rastet në fjalë.

Lidhur me rastin që Ministri i Drejtësisë ka tërhequr kërkesën për procedim disiplinor ndaj gjyqtarës, ju bëjmë me dije se nuk mund të rifillohet një procedim disiplinor i cili mbi një argument ligjor është pushuar (dhe jo pezulluar). Ministri i Drejtësisë në ushtrim të kompetencës së tij ligjore ka vlerësuar se gjyqtarja nuk duhej proceduar pasi çështja objekt procedimi ishte përsëri në gjykim nga gjyqtarja në fjalë.

Të dhëna më të hollësishme për sa përmendet në shkresën tuaj mund të gjeni në web-sitin e KLD në rubrikat vendime/procesverbale të mbledhjeve të KLD-së.

Duke ju falënderuar për bashkëpunimin,

SEKRETARE E PËRGJITHSHME

LLAMBRIOLA MISTO

